



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

CCCXCIII. Das Kloster Diesdorf verkauft eine Roggenpacht aus dem Dorfe
Wistedt an Hermann Badenhof, Bürger in Salzwedel, wiederkäuflich, am
22. Juli 1535.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

vann abbendorpp, hennygh frederyckes vann langenberg, vnd tho merer wyssenheyth hebbe yck des klosteris Ingefegell gedruckt nedden vph Spacium dusses breffes, dede gegeben vnd geschreuen am Sondaghe na gallen, In dem XXXIII. Jar vnd In des klosteris lantbock vortekenth.

Nach einer alten Copie.

CCCXCIII. Das Kloster Diesdorf verkauft eine Roggenpacht aus dem Dorfe Wifstedt an Hermann Badenhopf, Bürger in Salzwedel, wiederkäuflich, am 22. Juli 1535.

Wy Christoffer vann der Schulenburg, prawest, Gifsell vann denn Berge, priorissa, Metke wichtenbecke, vnderpriorissa, vnd gantze vorsamlinge des Junckfrowenn klosters tho Distorppe, dhonn kundt vnd bekennen offintlick Inn dusssem vnserenn breffe vor vnns vnd alle vnse nhakomlinge, dat wy eindrechtlickenn vnd mit gudenn willenn tho einem rechtenn erffkope vorkofft hebbenn vnd vorkopenn Jegenwardigenn In crafft vnd macht dusses briffes dem Erisamenn Hermen Vadenhoepp, burger tho Soltwedell, synenn rechtenn erfenn vnd dem hebbet dusses briffes mit synenn gudenn wetenn vnd willenn thwe wispell roggenn Jarlickes pachtes Inn vnd auer vnse ghuder vnd houenn tho wiftede, dar nhu thor tidt vppe woneth hans gade vnd alle Jar einen halffenn wispell roggenn giff, vppe den anderen haue hans Berner wanende vnd giff alle Jar anderthalfenn wispell roggenn. Dar uor hefft vnns de bauen genante herme Badenhoepp bar auer entrichtet vnd geuenn Ein hundert gulden ahn guder vier sseher steder ganbarer Munthe, dhe wy vordt bar auer entfangenn vnd In vnsses klosters withlicken nhudt gekert vnd ghewandt hebbenn. Duffse auengesereuenn thwe wispell roggenn Jarlickes Schollenn dhe bauen genanten mhenne Jarlickes vppe Martini tho Soltwedell ann gudem reynem roggenn Soltwedelscher Mathe vthgegeuen vnd betalenn —. Doch hebbenn wy vpgenanthe prawest, priorissa vnd gantze vorsamlinge des Junckfrowenn klosters tho Distorppe vnns vorbeholdenn, dat wy edder dhe genanten mhenne tho wiftede duffse thwe wispell roggenn Jarlickes pachtes alle Jar bynnenn denn achtedagenn Martini Episcopi mogenn losenn mit sseuenn gulden Munthe; dar auer de sseuen gulden bynnen den achtedagenn nicht ypkemenn, denn schall Sick vpgenanthe herme Badenhopf vnd syne mitbesereuenn holdenn an fsodane thwe wispell roggenn in alle mhate, wo vorseuenn. Vhurder hebbe wy vnns de macht van beydenn parthien vorbeholdenn, dat welckem parte dat gelüstet vnd beqweme, dhe schall vnd mach dem anderenn des Inwendich denn vier hilligen dagenn tho winachtenn eine rechte losse dhonn, vnd denne nha der gedaner losse Schullenn vnd willenn wy genante prawest, priorissa vnd gantze vorsamlinge des klosters distorppe vnd vnse nhakomlinge dem vpgenanten hermen Badenhoepp vnd synen midtbesereuen fsodane Einhundert gulden Munthe mit allen nhastelligen tinsen In den vier hilligen dagenn to paschem Inn einem Summen tho Soltwedell Inn Mathe, wo de entfangen, guttlick vnd woll to dancke wedder geuenn vnd betalenn, vnd wen denne fsodane betalinge also thor noge geschenn, denn vnd nicht ehr schall duffe briff Machtlofs synn vnd

dot. Tho orkunde vnd Mherer wiffzenheytt hebben wy, Chriſtoffer vann der Schulenburg, praweſt, giſſell vann dem Berge, prioriffa, vnd gantze vorſamlinge tho Diſtorppe wiſſzentlick vhor vnns vnd vnſe nhakomlinge vnſeres Capittels vnd praweſtyenn Ingelſegell benedden an duſſzen briff dhon hengen, Nha Chriſti vnſes herenn gebordt duſſent viſſhundert vnd darnha In dem viſſ vnd druttigſten Jare, am dage Magdalene.

CCCXCIV. Jacob von Eldingk verkauft dem kloſter Diesdorf eine Rente aus Scharnhorſt wiederkäuſlich, am 26. Dezember 1535.

Ick Jacob vonn Eldingek, Eggerdes zeliger ſone, bekenne apenbar In duſſem briffe Thugende vor mick, myne erffen vnd ſulth vor Jdermenichlick, dat ik mit wolbedachtenn mode, frigenn willenn recht vnd redelikenn tho einenn rechten erffkope vorkofft hebbe, vorkope ock Jegenwardigenn In crafft vnd macht duſſes briffes Den wirdigenn herenn vnd andechtigenn Junckfrawenn, herenn Chriſtoffer vann der Schulenburg, praweſt, Giſelen van denn berge, prioriffenn, metkenn wichtenbeke, Supprioriffenn, vnd In ſunderheytt heylewich vann Eſtorppe vnd barberenn verdemans, begeuenn Junckfravenn tho diſtorppe, vnd dem hebber duſſeme briffe mit orenn gudenn willenn vier lubiſche marck Im dorpe Scharnhorſt Im haue, dar nhu thor tidt vppe woneth Drewes Rathmann, an hoffenn, acker, wiſchenn, weidenn, holttenn vnd alle ſyner thobehoringe des ſulfftenn houes, vor viertich vulwichtige vnuorſelagenn riſche golt guldenn, de mick gemelte heylewich vann Eſtorppe vnd barber verdemans, des heylewich vann Eſtorppe vthgedann veſſtein gud genge riſche golt vnd barbar verdemans vieff vnd thwintich golt guldenn, In einem Summenn vull vnd all du entſampt vornoget hebbenn vnd ick ſe wider In myn vnd myner erffen nhudt vnd framenn gewandt. Sodane vier lubiſche marck Jarlicke renthe will vnd ſchall gedachte drewes Rathmann edder beſitter des haues alle Jarlikes vppe Martini denn genantenn Junckfrawenn vnd dem hebber duſſes briffes vppe denn kloſterhoff tho Diſtorppe geuenn vnd betalenn —. Scheget ock, dat de golt guldenn broeckuellich wordenn vnd In thokamendenn tydenn ſo vele nicht guldenn an Munthe vnd einenn vall kregenn, ſick In der Munthe vor nedderendenn, ſo will ick Jacob vann Eldingek vnd myne erffen ſo vele ann Munthe, alſe dortich lubiſche ſchillingk gelick, alſo nhu dato duſſes briffes guldenn, wedder geuenn vnd betalenn —. Ock beholde wy vann beydenn deylenn alſe koper vnd vorkoper vullmacht, dat ein part dem anderen de loſe mach kundigen, vnd welk part Des to donde geneygt, ſo mach eine dem anderen de loſe kundigen In denn vier hilligenn dagenn tho winachtenn, vnd denne In den vyer hilligenn dagenn to paſchenn der loſekundige Negeſt ſchall vnd will ick Jacob vann Eldingk vnd myne erffen de viertich golt guldenn, In mathe, wo de entfangenn, darto de bedagedenn renthe, ſo dar welcke nhaftundenn, praweſte, priorinne vnd In ſunderheytt heilewich vann Eſtorppe vnd barber verdemans edder dem hebber duſſes briffs In einem Summen wedder geuenn vnd betalenn vppe denn kloſterhoff to diſtorppe. Ock Ick vpgemelthe Jacop vann Eldingek vnd myne erf-